

Na osnovu Odluke Senata Univerziteta u Tuzli broj: 03-2853-18.1/21 od 16.06.2021. godine Univerzitet u Tuzli objavljuje

**KONKURS**  
**za imenovanje jednog člana Upravnog odbora Univerziteta u Tuzli**  
**kojeg imenuje Senat Univerziteta iz reda studenata Univerziteta u Tuzli**

**I**

Raspisuje se Konkurs za imenovanje jednog člana Upravnog odbora Univerziteta u Tuzli kojeg imenuje Senat Univerziteta iz reda studenata Univerziteta u Tuzli, minimalno sa druge godine prvog ciklusa studija.

**II**

Za člana Upravnog odbora Univerziteta u Tuzli iz reda studenata Univerziteta u Tuzli može biti imenovan kandidat koji ispunjava slijedeće **opće uslove**:

- a) da je državljanin BiH;
- b) da je zdravstveno sposoban za obavljanje poslova člana Upravnog odbora Univerziteta;
- c) da pravosnažnom odlukom suda nije osuđen za krivično djelo ili privredni prijestup koji predstavlja smetnju za imenovanje na dužnost člana Upravnog odbora;
- d) da mu pravosnažnom odlukom suda nije izrečena mjera zabrane obavljanja aktivnosti člana Upravnog odbora i
- e) da se na njega ne odnosi član IX.1., Ustava BiH-a.

Pored općih uslova kandidat mora ispunjavati i slijedeće **posebne uslove** i to:

1. da nema funkciju u izvršnim organima političke partije ili organizacije koja je povezana sa političkom partijom;
2. da ima status redovnog studenta Univerziteta u Tuzli minimalno druge godine prvog ciklusa studija;
3. da ima ostvareni prosjek ocjena u dosadašnjem toku studija od najmanje osam i
4. da ima članstvo u skupštini studentskog predstavničkog organa.

**III**

Člana Upravnog odbora iz reda studenata imenuje Senat Univerziteta u Tuzli na mandatni period od 4 (četiri) godine, na prijedlog studentskog predstavničkog organa.

**IV**

Uz **potpisanu prijavu** na Konkurs kandidat iz reda studenata dužan je priložiti, **u originalu ili ovjerenoj fotokopiji**, dokaze o ispunjavanju propisanih općih i posebnih uslova i to:

1. biografiju;
2. uvjerenje o državljanstvu BiH ne starije od 6 mjeseci;
3. svojeručno potpisanu izjavu da pravosnažnom odlukom suda nije osuđen za krivično djelo ili privredni prijestup koji predstavlja smetnju za imenovanje na dužnost člana Upravnog odbora;
4. svojeručno potpisanu izjavu da mu pravosnažnom odlukom suda nije izrečena mjera zabrane obavljanja aktivnosti člana Upravnog odbora;
5. svojeručno potpisanu izjavu da se na njega ne odnosi član IX.1., Ustava BiH-a;
6. svojeručno potpisanu izjavu da nema funkciju u izvršnim organima političke partije ili organizacije koja je povezana sa političkom partijom;
7. uvjerenje da ima status redovnog studenta Univerziteta u Tuzli, minimalno druge godine prvog ciklusa studija;
8. uvjerenje da ima prosjek ocjena u dosadašnjem toku studija od najmanje osam (za odslušane godine studija);
9. uvjerenje/potvrdu da je član skupštine studentskog predstavničkog organa.

## V

Izjave iz tačke IV podtački 3., 4., 5. i 6. ove Odluke moraju biti ovjerene kod nadležnog općinskog/gradskog organa ili notara, a dokazi iz tačke IV podtačka 2., 7., 8. i 9. moraju biti u originalu ili u fotokopiji ovjerenoj kod nadležnog općinskog/gradskog organa ili notara.

Dokaz iz tačke b) općih uslova - ljekarsko uvjerenje o zdravstvenoj sposobnosti za obavljanje poslova člana Upravnog odbora, ne starije od 6 (šest) mjeseci, dostavlja se naknadno i to samo kandidat koji bude izabran na navedenu poziciju, a najkasnije do dana konstituirajuće sjednice Upravnog odbora.

## VI

Prijave, sa potrebnim dokazima, dostavljaju se u roku od 15 (petnaest) dana od dana objavljivanja ovog Konkursa u dnevnom listu.

## VII

Nepotpune i neblagovremene prijave neće se uzeti u razmatranje.

## VIII

Prijave na Konkurs, sa potrebnim dokazima, dostavljaju se u **zatvorenoj koverti** na pisarnicu Univerziteta ili putem pošte, na adresu:

**UNIVERZITET U TUZLI**

**- Konkursna komisija –**

**uz naznaku:**

**"Prijava na Konkurs za imenovanje jednog člana Upravnog odbora Univerziteta u Tuzli  
kojeg imenuje Senat Univerziteta iz reda studenata Univerziteta u Tuzli"**

**Ul. Dr. Tihomila Markovića broj 1**

**75000 TUZLA**